

歲寒堂讀杜卷之十三

目錄

立春

懷錦水居止二首

老病


雨

南楚

子規

水閣朝霽奉簡雲安嚴明府

往在



客居

客堂

杜鵑

贈鄭十八賁

別蔡十四著作

答鄭十七郎一絕

寄贈王十將軍承俊

寄韋有夏郎中

杜鵑行

八哀詩

司空王思禮
司徒李光弼

僕射嚴武
少監蘇源明

汝陽郡王璣
司戶鄭虔

祕書李邕

僕射張九齡

移居夔州作

船下夔州郭雨濕不得上岸別王十二判官

漫成一首

上白帝城

謁先主廟

武侯廟

八陣圖

贈崔十三評事公輔

曉望白帝城鹽山

陪諸公上白帝城宴越公堂之作

白帝城最高樓

上白帝城二首

古柏行

負薪行

最能行

愁

遣悶戲呈路十九曹長

覽柏中丞兼子姪數人除官制詞因述父子兄弟四

美載歌絲綸

遣懷

王十五前閣會

暮春

寄常徵君

園官送菜

并序

課伐木

并序

除草

引水

園人送瓜

信行遠修水筒

催宗文樹雞柵

示獠奴阿段

貽華陽柳少府

峽中覽物

憶鄭南珣

奉寄李十五祕書二首

文疑

雷

火

熱三首

歲寒堂讀杜卷之十三

嘉興 范輦雲 楞阿 輯

男 玉琨 校

立春

原註大歷元年雲安作

春日春盤細生菜忽憶兩京梅發時盤出高門行白玉

此言

上菜傳纖手送青絲

此言風俗相送

巫峽寒江那對眼

言不見杜此菜也

陵遠客不勝悲此身未知歸定處呼兒覓紙一題詩

一意轉折成詩不見排此在公集中又一體裁

懷錦水居止二首

軍旅西征僻風塵戰伐多猶聞蜀父老不忘舜謳歌天險

終難立

言盜賊不能久據也

柴門豈重過朝朝巫峽水遠逗錦江波

鶴曰軍旅風塵蓋指吐蕃之亂及張獻誠栢茂林楊子琳共起兵討崔旰是時蜀中大亂

萬里橋西宅百花潭北莊層軒皆面水老樹飽經霜雪嶺

界天白錦城曛日黃惜哉形勝地回首一茫茫

此首言草堂之勝

老病

老病巫山裏稽留楚客中藥殘他日裏花發去年叢

稽留已二

年

夜足霑沙雨春多逆水風合分雙賜筆猶作一飄蓬

公嘗

爲尚書工部郎故云

雨

冥冥甲子雨已度立春時輕箠煩相向纖絺恐自疑煙添

纔有色風引更如絲

是細雨景

直覺巫山暮兼催宋玉悲

楚地煖故立春時可用箠服絺○前細雨尚熱未引悲秋恐雨多生涼

南楚

南楚青春異暄寒早早分無名江上草隨意嶺頭雲正月

蜂相見非時鳥共聞杖藜妨躍馬不是故離羣

公孫述躍馬稱帝時

蜀正亂公言已杖藜遠遁正妨亂賊躍馬之禍非故離羣此明去蜀適楚之故

子規

峽裏雲安縣江樓翼瓦齊

簷瓦如鳥翼

兩邊山木合終日子規

啼

眞景老筆寫蜀中如畫

眇眇春風見蕭蕭夜色淒客愁那聽此故

作傍人低

申云江樓句他人說不及此○春風見謂子規當春風
中見夜色淒謂當夜色聞之而淒見淒二字俱貼子規
上末客愁二
句又深一層

水閣朝霽奉簡雲安嚴明府

東城抱春岑江閣臨石面崔嵬晨雲白朝旭射芳甸雨檻
臥花叢風牀展書卷鈎簾宿鷺起丸藥流鶯轉呼婢取酒
壺續兒誦文選言聞兒誦文選而已亦相繼取誦公生平熟於此書晚交嚴明府矧
此數相見原註忽及晚交嚴明府如此而止且喜沒干涉

往在

往在西京時胡來滿彤宮

此指祿山陷兩京事

中宵焚九廟雲漢爲

之紅解瓦飛十里總帷紛層空疚心惜木主一一灰悲風

合昏排鐵騎清旭散錦幪賊臣表逆節相賀以成功是時

妃嬪戮連爲糞土叢

數句傷直非體

當宁陷玉座白間剝畫蟲不

知二聖處私泣百歲翁

百歲翁謂父老輩

車駕旣云還楹角歛穹

崇故老復涕泗祠官樹椅桐宏壯不如初已見帝力雄前

春禮郊廟

此指肅宗恢復事

祀事親聖躬微軀忝近臣景從陪羣

公登堦捧玉冊我冕聆金鐘侍祠慙先露掖垣邇濯龍天

子惟孝孫五雲起九重鏡奩換粉黛

并言先后

翠羽猶葱朧前

者厭羯胡

明皇出奔

後來遭犬戎

代宗避吐蕃之亂出奔

俎豆病臙肉采

愚行角弓安得自西極

以下皆預擬語

申命空山東書驅詣闕下

士庶塞關中主將曉逆順元元歸始終一朝自罪已萬里

車書通鋒鏑供鋤犁征戍聽所從

謂從之歸農

冗官各復業土

著還力農君臣節儉足朝野懽呼同中興似國初繼體如

太宗端拱納諫諍和風日沖融赤墀櫻桃枝隱映銀絲籠

千春薦靈寢永永垂無窮京都不再火涇渭開愁容歸號

故松柏老去若飄蓬

見不能遂歸號之願

此因代宗還京追述祿山初陷長安肅宗恢復往事前半直率非體後半真救時名奏疏○錢云木主天寶末兩都傾陷神主亡失肅宗既復舊物建主作廟於上都其東都神主大厯中始於人間得之合昏謂至暮氣合昏暗也錦幃祿山陷兩京以橐駝運御府珍寶於范陽故曰散○白間門扇青瑣之間以白塗之○先露謂先朝露而逝者先帝也○鏡奩翠羽乃供后妃神御之物陰后紀帝從席前伏御牀視太后鏡奩中物感動流涕

令易脂澤裝具○西極指吐蕃山東指史朝義諸降將
安得自西極以下十句當時長安再陷空虛公欲招河
北山東安史餘黨盡知順逆歸命朝廷以其人民實關
中是在上能下罪已之詔不責往愆以來之真當時要
著措詞渾然尤妙○冗官復業四句因亂後賄賂公行
賣官鬻爵名器太濫故公欲罷散冗無用之人使務本
業此皆救時急務

客居

客居所居堂前江後山根下塹萬尋岸蒼濤鬱飛翻葱青
衆木梢邪豎雜石痕子規晝夜啼壯士斂精魂峽開四千
里水合數百源人虎相半居相傷終兩存

今近山居民尚然杜於情事何

切

當蜀麻久不來吳鹽擁荆門

不敢入蜀

西南失大將商旅白星

奔今又降元戎已聞動行軒舟子候利涉亦憑節制尊我

在路中央生理不得論臥愁病腳廢徐步視小園

恐久臥不能行

故徐步以試之

短畦帶碧草悵望思王孫鳳隨其皇去籬雀暮喧

繁覽物想故園十年別鄉村日暮歸幾翼北林空自昏安

得覆八溟爲君洗乾坤稷契易爲力

謂有稷契見用則致治易也

犬戎

何足吞儒生老無成臣子憂四藩篋中有舊筆情至時復

援

雖非少陵得意之章而其切至語終不可廢○思王孫卽指代宗此正言也觀後爲君臣子字便知○隨其皇謂武隨元宗逝籬雀公自謂觀此二句則錢以大將爲郭英父未是

客堂

憶昨離少城而今異楚蜀捨舟復深山宵窈一林麓棲泊

雲安縣消中內相毒舊疾廿載來衰年得無足

二句言抱病更歷多

年似平年數已足不敢奢望壽考也

死爲殊方鬼頭白免短促老馬終望雲

南雁意在北別家長男女欲起慙筋力客堂敘節改具物

對羈束

具供用之物卽下芻筍等

石暄蕨芽紫渚秀蘆筍綠巴鶯紛未

稀微麥早向熟悠悠日動江漠漠春辭木臺郎選才俊自

顧亦已極前輩聲名人埋沒何所得

二句言先賢尙多埋沒不得一官也援引

自居然綰章紱受性本幽獨平生憩息地必種數竿竹事

業只濁醪營葺但草屋上公有記者累奏資薄祿

謂嚴武

主

憂豈濟時身遠彌曠職

身遠於朝廷謂在幕下也

循文廟算正獻可天

衢直

循文守文也言廟算自有正道公欲於天衢獻直言也

尙想趨朝廷毫髮禪社

稷形骸今若是

謂老也

進退委行色

謂一付之行色通塞不敢預定也

杜鵑

原註成都記杜宇亦曰杜主自天而降稱望帝好稼穡教人務農後以其位禪開明望帝死其

魂化為鳥

名曰杜鵑

西川有杜鵑東川無杜鵑涪萬無杜鵑雲安有杜鵑

申云起四

語奇肆或作自注膽小之過也

我昔遊錦城結廬錦水邊有竹一頃餘喬

木上參天杜鵑暮春至哀哀叫其間我見常再拜重是古

帝魂生子百鳥巢百鳥不敢嗔仍為餒其子禮若奉至尊

鴻雁及羔羊有禮太古前行飛與跪乳識序如

他本知恩作又

知恩

聖賢吾法則付與後世傳君看禽鳥情猶解事杜鵑

看猶解二

字則此詩蓋譏各刺史不知尊王也是前杜鵑有無以順逆而分真確解

今忽暮春間值我病

經年身病不能拜淚下如迸泉

原註此起此結皆出意表

公詩不欲觸忌每多微詞此詩通首作比其借杜鵑以喻藩鎮無疑○錢云黃鶴本載上皇幸蜀還肅宗用李輔國謀遷之南內上皇悒悒而崩少陵感是而作此解未是無論大歷元年公在雲安明皇晏駕已久且杜鵑有無之義更作何解耶

贈鄭十八賁

原註按集有答鄭十七郎詩云把文驚小陸卽是謂賁也

溫溫士君子令我懷抱盡靈芝冠衆芳安得闕親近遭亂

意不歸竄身跡非隱

二句公自言

細人尙姑息吾子色愈謹

人姑

息則好戲狎鄭獨以敬相與與上溫溫應

高懷見物理識者安肯哂

想時有哂鄭爲太拘

者卑飛欲何待捷徑應未忍示我百篇文詩家一標準羈

離交屈宋牢落值顏閔水陸迷畏途藥餌駐修軫

言長途皆賴藥